

# **KU SOO DHOWOOW WAXBARASHADA HORE!**

**WAXBARASHADA HORE (ESIOPETUS) WAXAY  
BILLAABANAYSAA KHAMIS 10.8.2023,  
WAXAYNA DHAMMAANAYSAA 31.5.2024**



**Vantaa  
Vanda**

## **Ku soo dhowoow waxbarashada hore!**



Waxbarashada hore (esiopetus) waxay billaabnaysaa Khamiis 10.8.2023, waxayna dhammaanaysaa 31.5.2024.

Waxbarashada hore waa qeyb ka mid ah wadada waxbarashada ee socon doonta inta qofku uu nool yahay, taasoo ka bilaabanaysa guriga iyo xannaanada, waxaana ay waxbarashada hore kaddib u sii gudbeysaa waxbarashada aasaasiga ah. Hadafka laga leeyahay waxbarashada hore waa sidii hore loogu dhigi lahaa horumarka iyo shuruudaha waxbarashada ee ilmaha, iyo sidoo kale in la xoojiyo xirfadaha bulshannimo ee iskukalsoonaanta nafsad ahaaneed ee ilmaha, arrimahaas oo ay si wadajir ah u sameynayaan xannaanada iyo qoyska. Waxbarashada hore waa mid waajib ah, hadaf leh islamarkaana ku saleysan qorshaha waxbarashada. Ilmo walba waxaa si gaar ah loogu diyaarinayaa qorshe waxbarsho, kaasoo si wadajir ah loola diyaarinaayo ilmaha iyo waalidka.

Inta lagu gudajiro waxbarashada hore, ilmuhu waxaa ay tijaabinayaan oo baranayaan arrimo cusub oo ay isla qaadanayaan carruur iyaga la da'ah. Waxbarashada hore waxaa ay ka kooban tahay waxbarasho xaqiiq ah oo si ballaaran loo hirgeliyaayo, taasoo ay sal u yihiin waxyaabaha ilmuhu uu xiiseynaayo iyo ahdaafta guud ee waxbarashada aasaasiga ah. Waxbarashada hore ee aasaasiga ah waxaa illaa iyo xad ilmuhu uu wax ku baranayaa qaab ciyaar ah, iyadoo ciyaartuna ay mar walba kaqayb tahay waxbarashada hore ee aasaasiga ah. Ciyaarta kasokow waxaa intaa dheer oo ilmaha wax lagu baraayaa qaabab tijaabbo iyo howlqabad ah oo lagu ogaanaayo khibradaha ilmaha, islamarkaana lagu xoojinaayo rabitaankiisa waxbarashada.

## **Isdiwaangelinta**

Ka diiwaangelin cunuggaada waxbarasho-horaadka inta u dhexeysa 5.1.– 31.1.2023. Waxaad qaab elegtoroonig ahaan ah uga diiwaangelisaa adeegga VaSa, ama waxaad codsiga dhigtaa xannaanada. Goobaha waxbarashada hore waxaad ka arkaysaa bogagga internetka ee Vantaa [vantaa.fi/esiopetus](http://vantaa.fi/esiopetus). Go'aanka waxbarasho-horaadka waxaa laga arki karaa adeegga VaSa ugu dambeyn todobaadka 14.

## **Waxbarashada hore ee aasaasiga ah waa lacag la'aan, waxaana qayb ka ah cuntada**

Waxbarashada hore ee aasaasiga ah waxaa la qabanqaabiyaa maalmaha shaqada ee iskuulka, muddo afar saacadood oo maalintii ah. Kaqabyqaadashada waxbarashada hore ee aasaasiga ah waa mid lacag la'aan ah, waxaana ku jira raashin maalin walba ah. Waxbarashada hore ee aasaasiga ah waxaa dheer oo ilmuhu uu xaq u leeyahay in uu helo daryeel xannaano oo la xiriira nidaamka barbaarinta hore, kaasoo ah mid lacag ah. Baahida ah barbaarinta hore ama xannaanada lagu dhammaystiraayo inta ka dhiman waqtiga waxbarashada hore, waxaa diiwaangelintiisa isku mar lala samaynayaa kan waxbarashada hore.

## **Barashada luqadda iyo kala doorashada luqadaha ee waxbarasho-horaadka**

Inta lagu jiro mudada sannadka ah ee kooxda waxbarashada hore, waxaa la baran doonaa luqadaha iyo dhaqamada kooxda. Aqoonta qoysaska ee luqaddooda iyo dhaqankooda la xiriira waxaa laga faa'iidayaanayaa marka lagu jiro qorsheynta iyo hirgelinta waxbarasho-horaadka.

Macluumaadka dheeraadka ah ee ku saabsan kala doorashada luqadaha kale oo ku qoran bogagga luqadda finnishka waxay ku jiraan:  
[vantaa.fi/kaksikielinenesiopetus](http://vantaa.fi/kaksikielinenesiopetus)

## **Wadashaqeynta iskuulka lala yeelanaayo**

Ilmuhu goor hore ayuu soo indha-indhayn doonaa nidaamka shaqo ee iskuulka iyo degaanka waxbarasho, inta uu ku guda jiro xilliga waxbarashada hore. Magaalada Vantaa goob walba oo ay ka socoto waxbarashada hore ee aasaasiga ah, waxaa ay wadashaqeyn la leeyihiin iskuul ka mid ah iskuullada waxbarashada. Arrinkaan waxaa loola jeedaa tusaale ahaan, howlo ay si wadajir ah u sameynayaan carruurta ku jirta waxbarashada hore ee aasaasiga ah iyo ardeyda bilaabeysa fasalka koowaad ee waxbarashada iskuulka, iyo sidoo kale booqashooyin lagu tagaayo iskuulka. Xilliga gu'ga ee waxbarashada hore ee aasaasiga ah ayaa waxaa

warbixinta carruurta xannaanada waxaa loo wareejiyaa iskuulka, iyadoo arrinkaasna lala kaashanaayo waalidka. Ujeedada laga leeyahay arrinkaas waa sidii loo sugi lahaa sii socoshada caawimaadda waxbarashada ee marka iskuulku uu bilowdo, iyo in arrimuhu ay ku socdaan waddo dhab ah oo ka bilaabanaysa waxbarashada hore, taasoo soconeysana illaa iyo iskuulka.

## **Waxbarashada diyaarinta ah ee waxbarashada aasaasiga ah waxay carruurta u diyaarisaa wax ku barashada afka finnishka**

Waxbarashada diyaarinta ah ee waxbarashada aasaasiga ah waxaa loo qabanqaabiyaa carruurta asal ahaan ajnabiga ah, kuwaas oo aanay aqoontooda finnishku ku filnayn wax ku barashada kooxda waxbarasho-horaadka.

Waxbarashada diyaarinta ah waxaa la qabanqaabiyaa shan saacadood maalin walba oo ka mid ah maalmaha iskuulka la dhigto. Afar saacadood oo ka mid ah waxbarashada waxaa ay ka qayb tahay waxbarashada hore, waxaa intaas dheer hal saac oo carruurta loo qaybinayo kooxo yaryar.

Waalidiinta ayaa ilmaha ka diiwaangelinaya waxbarashada hore, kaddibna waxaa si wadajir ah looga heshiinayaa waalidka cunugga, goobta waxbarasho-horaadka iyo isudduwaha luqadda iyo dhaqanka codsashada waxbarashada diyaarinta ah ee waxbarashada aasaasiga ah ee suuragalka ah.

## **Ku soo dhowaada booqashada isbarashada!**

Dhammaan goobaha lagu qaato waxbarashada hore ee aasaasiga ah waxaa lagu qabanqaabinayaa booqashooyin isbarasho oo qoysaska loogu talaggalay bisha Maajo. Xannaanooyinka ayaa waalidka ku wargelin doona xilliga munaasabadahaasi isbarashada la qabanaayo.

### **Maxay waxbarasho-horaadku ku fiican tahay?**

”Dheelista, bannaan aadista iyo macallimiinta fiican. Minna waa macallimad fiican. Petra waa qof noo kaftama oo noo dheeldheela. Dheel kasta waa oggoshahay dheeshana waa ka qaybgashaa. Iyo saaxiibada.”

*Miro, 6 sano jir*